



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

De inuidia & hypocrisi, Sermo CLXXII.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

rant hominis de ruina. Iudæi qui foris sunt, se & sua forinsecus lauent: nos fratres, ab istis vitiorum sordibus emundemur intrinsecus: has nequitiarum gentes in nostris mentibus Christo propugnante vincamus: has delictorum bestias de nostris cordibus terrore dominici nominis effugemus: has criminum rabies, & voracissimas aues à nostris sensibus crucis hasta fortiter propellamus, vt ciuitatis nostræ splendor, templi nostri sanctitas, domus nostræ integer & singularis ornatus, ad habitandum semper in nobis nostrum prouocet, & inuitet auctorem. Illuc vitia redire nequeunt, vbi Christus cum suis virtutibus commoratur.

De inuidia & hypocrisi, Sermo CLXXII.

AVdistis hodie fratres, quemadmodum dum secludit alios, seipsum ianitor inuidiosus excludit. *Va vobis, inquit, legis peritis, quia tulistis clauem scientiæ, ipsi non introistis, & eos qui introibant, prohibuistis.* Audistis ergo quemadmodum dum secludit alios, seipsum ianitor inuidiosus excludit. Acceperat clauis Pharisæus non vt clauderet, sed vt intrare desiderantibus aperiret: sed ne intraret alter, ipse permanere foris maluit per liuorem. Omnia quidem vitia ad suorum semper intendunt & prosiliunt læsionem, sed suos semper amplius inuidia consumit: inuidia suorū carnifex semper extitit, extendit sensus, torquet animos, discruciat mentes, corda corrumpit. Et quid plura? Hanc qui receperit, sua sustinet sine fine supplicia, quia in se domesticum semper diligit habere tormentum. Quis ibi malorum finis, vbi alterius bonum poena est, vbi cruciatus est aliena foelicitas? Malum multiplex, quot sunt prosperitates hominum, tot tormenta sunt inuidotum. Cum aliis vitiis

LUC. 11.

animus poterit conflagrare Christianus, inuidiā quis-
 quis antequam sentiat non fugerit, non euadit. Hæc
 peritis legis legem suavit non aperire, sed claudere: &
 salutaris præcepti non commodare doctrinam, sed
 negare: obserata scientiæ fontem, & vitalis fluenti
 originis suæ secreto diuitias obstruere. Iste velociter
 fugiendus est morbus: quia quos contigerit, non pa-
 titur iam sanari. Inuidia cælum tentat: ibi enim dia-
 bolum fecit ex Angelo: vrit terras, quæ utique Para-
 diso nobis amœna flammeo custode secluit. Reges
 vrget, quia hæc Herodem in coæuos Christi sic com-
 pulit desæuire, vt ante lac quam sanguis teneris
 funderetur ex mēbris. Charitatē violat, nā hæc Cain
 reddidit fratricidam: & innocuam adhuc terram no-
 ui sanguinis cruore perfudit. Vastat populos, nāque
 Iudæos hæc, si dici fas est, si capit sermo, fecit esse
 deicidas: deicidas diximus, non quo peruenit, sed quo
 facinus hoc tetendit. In Christo enim Iudæi non ho-
 minem tātum, sed Deum filium Dei conati sunt op-
 primere, necare virtutes, cum dicunt: Hic est hares,
 venite occidamus eum, & nostra erit hereditas eius.
 Sed quid valet diabolus ad Deum? Inuidia quid va-
 let ad dominicam charitatem? Inuidit diabolus ter-
 ram, sed donauit cælum Deus: clauēs scientiæ Legis-
 peritus sustulit, sed clauēs cœlestis regni per Petrum
 largitus est Christus: Ac sic inuidia suis commodis
 est nudata, & homo ditatus est ipsa necessitate dam-
 norū. Bene ergo in sequentibus dominus adiecit, di-
 cens: *Attendite vobis à fermento Pharisaorum.* Quia in
 fermento non est moles magnitudinis, sed tumoris, &
 conspersio tali specie inflata est, non ditata, quātum
 enim efferbuerit feruentius, tantū fratris massa tur-
 gescit, & totam formam leuitatis implet, & tumoris.
 Congruè ergo à Domino dictum est: *Attendite*
vobis

Mat. 2.

Gen. 4.

Mat. 13.

Mat. 16.

Luc. 12.

vobis à fermento Pharisæorum, quod est hypocrisis. Quid est hypocrisis, nisi species arte composita, quæ aliud in re agit, aliud promit in vultum? Hæc penes Pharisæos per scientiam tumescebat, Apostolo sic dicente: Scientia inflat. Illos namque scientia inflabat ad superbiam, non instruebat ad vitam: & corrumperebat ad malitiam, non ad prudentiam promouebat. Erat in eorum facie hypocrisis, erat in eorum mente inuidiæ hydrops, erat in pectore siticulofus fons: erat ardens vnda, quæ suis magis ac magis inflammabatur fluentis, vt bibentis non extingueret sitim, sed augetet incendium. Sic, sic hypocrisi ministrante sui semper inuidia propinat: ab hoc nos morbo subtrahit Apostolus: Cum nos non in fermento veteri, neque in fermento malitiæ & nequitiae, sed in azymis sinceritatis & veritatis sanctum Pascha domini celebrare compellit. Veritas nescit tumorem, simplicitas hypocrisim profus ignorat. In azymis sinceritatis & veritatis. Hæc sunt cordis azyma: hæc cœlesti dulcedine confecta, hæc gratiæ saporata pinguedine: hæc sancti Spiritus igne decocta, hæc nos manducantes agnum Dei, agnum qui tollit peccatum mundi, ad nostrum Pascha solenniter immolamus: quibus Christus ad lætitiã totam, totam est natus & immutatus ad gloriam.

1. Cor. 8.

1. Cor. 3.

De diuo Ioanne Baptista & Herode, Sermo CLXXIII.

Pastor bonus peruigiles noctes, dies anxios ducit, ne quid callidus latro, ne quid luporum feritas astuta perniciosum charo gregi, ne quid noxium molliatur. Pastor bonus, sicut dominus dixit, animam suam ponit pro ouibus suis. Sed & oues bonæ pastoris sui audiunt attentis auribus vocem, pastoris sui semper sequuntur arbitrium, pastoris sui totam faciunt

Ioan. 10

o o ; voluntæ